

修訂日期: 2006/04/12 發行日期: 2008/2/21

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 10, No. 297

原始資料: 蕭鎮國大德提供, 維習安大德提供之高麗藏 CD 經文, CBETA 自行掃瞄辨識

No. 297 [No. 296; cf. 293(Fasc. 40)]

普賢菩薩行願讚

開府儀同三司特進試鴻臚卿肅國公食邑三千戶賜紫贈司空諡大鑑正號大廣智
大興善寺三藏沙門不空奉 詔譯

所有十方世界中	一切三世人師子
我今禮彼盡無餘	皆以清淨身口意
身如剎土微塵數	一切如來我悉禮
皆以心意對諸佛	以此普賢行願力
於一塵端如塵佛	諸佛佛子坐其中
如是法界盡無餘	我信諸佛悉充滿
於彼無盡功德海	以諸音聲功德海
闡揚如來功德時	我常讚歎諸善逝
以勝花鬘及塗香	及以伎樂勝傘蓋
一切嚴具皆殊勝	我悉供養諸如來
以勝衣服及諸香	末香積聚如須彌
殊勝燈明及燒香	我悉供養諸如來
所有無上廣大供	我悉勝解諸如來
以普賢行勝解力	我禮供養諸如來
我曾所作眾罪業	皆由貪欲瞋恚癡
由身口意亦如是	我皆陳說於一切
所有十方群生福	有學無學辟支佛
及諸佛子諸如來	我皆隨喜咸一切
所有十方世間燈	以證菩提得無染
我今勸請諸世尊	轉於無上妙法輪
所有欲現涅槃者	我皆於彼合掌請
唯願久住剎塵劫	為諸群生利安樂
禮拜供養及陳罪	隨喜功德及勸請
我所積集諸功德	悉皆迴向於菩提
於諸如來我修學	圓滿普賢行願時

願我供養過去佛
所有未來速願成
所有十方諸剎土
諸佛咸詣覺樹王
所有十方諸眾生
一切群生獲法利
我當菩提修行時
若諸生中為生滅
戒行無垢恒清淨
天語龍語夜叉語
所有一切群生語
妙波羅蜜常加行
所有眾罪及障礙
於業煩惱及魔境
猶如蓮華不著水
諸惡趣苦願寂靜
於諸群生行利益
常行隨順諸眾生
普賢行願我修習
所有共我同行者
於身口業及意業
所有善友益我者
共彼常得而聚會
常得面見諸如來
於彼皆興廣供養
常持諸佛微妙法
咸皆清淨普賢行
於諸有中流轉時
般若方便定解脫
如一塵端如塵剎
佛及佛子坐其中
如是無量一切方
佛海及與剎土海
於一音聲功德海

所有現住十方世
意願圓滿證菩提
願皆廣大咸清淨
諸佛子等皆充滿
願皆安樂無眾患
願得隨順如意心
於諸趣中憶宿命
我皆常當為出家
常行無缺無孔隙
鳩槃荼語及人語
皆以諸音而說法
不於菩提心生迷
悉皆滅盡無有餘
世間道中得解脫
亦如日月不著空
一切群生令安樂
乃至十方諸剎土
菩提妙行令圓滿
我於未來劫修行
共彼常得咸聚會
同一行願而修習
為我示現普賢行
於彼皆得無厭心
與諸佛子共圍繞
皆於未來劫無倦
皆令光顯菩提行
皆於未來劫修行
福德智慧得無盡
獲得無盡功德藏
彼中佛剎不思議
常見菩提勝妙行
於一毛端三世量
我入修行諸劫海
一切如來清淨聲

一切群生意樂音
於彼無盡音聲中
當轉理趣妙輪時
以一剎那諸未來
三世所有無量劫
所有三世人師子
於彼境界常得入
所有三世妙嚴剎
如是無盡諸方所
所有未來世間燈
示現涅槃究竟寂
以神足力普迅疾
以行威力等功德
以福威力普端嚴
般若方便等持力
皆於業力而清淨
悉能降伏魔羅力
普令清淨剎土海
悉能觀察諸法海
普令行海咸清淨
諸佛海會咸供養
所有三世諸如來
願我圓滿悉無餘
諸佛如來有長子
皆以彼慧同妙行
身口意業願清淨
如彼智慧普賢名
普賢行願普端嚴
於諸未來劫無倦
所須勝行無能量
無量修行而住已
乃至虛空得究竟
及業煩惱乃至盡
若有十方無邊剎

常皆得入佛辯才
一切三世諸如來
以我慧力普能入
我入未來一切劫
剎那能入俱胝劫
以一剎那我咸見
如幻解脫行威力
能現出生一塵端
能入諸佛嚴剎土
彼皆覺悟轉法輪
我皆往詣於世尊
以乘威力普遍門
以慈威力普遍行
以智威力無著行
菩提威力皆積集
我今摧滅煩惱力
圓滿普賢一切力
普能解脫眾生海
及以得源於智海
又令願海咸圓滿
普賢行劫無疲倦
菩提行願眾差別
以普賢行悟菩提
彼名號曰普賢尊
迴向一切諸善根
諸行清淨剎土淨
願我於今盡同彼
我行曼殊室利行
一切圓滿作無餘
所有功德不可量
盡知一切彼神通
眾生無餘究竟然
乃至我願亦皆盡
以寶莊嚴施諸佛

天妙人民勝安樂
若人於此勝願王
於勝菩提求渴仰
彼得遠離諸惡趣
速疾得見無量壽
得大利益勝壽命
如彼普賢大菩薩
所作罪業五無間
彼誦普賢行願時
智慧容色及相好
於魔外道得難摧
速疾往詣菩提樹
覺悟菩提轉法輪
若有持此普賢願
如來具知得果報
如妙吉祥勇猛智
我當習學於彼時
一切三世諸如來
我皆一切諸善根
當於臨終捨壽時
親覩得見無量光
得到於彼此勝願
我當圓滿皆無餘
於彼佛會甚端嚴
於彼獲得受記荊
於彼獲得受記已
廣作有情諸利樂
若人誦持普賢願
以一剎那得如願
我獲得此普賢行
所有群生溺惡習

如剎微塵劫捨施
一聞能生勝解心
獲得殊勝前福聚
彼皆遠離諸惡友
唯憶普賢勝行願
善來為此人生命
彼人不久當獲得
由無智慧而所作
速疾銷滅得無餘
族姓品類得成就
常於三界得供養
到彼坐已利有情
摧伏魔羅并營從
讀誦受持及演說
得勝菩提勿生疑
亦如普賢如是智
一切善根悉迴向
以此迴向殊勝願
悉已迴向普賢行
一切業障皆得轉
速往彼剎極樂界
悉皆現前得具足
眾生利益於世間
生於殊勝蓮花中
親對無量光如來
變化俱胝無量種
十方世界以慧力
所有善根而積集
以此群生獲勝願
殊勝無量福德聚
皆往無量光佛宮

八大菩薩讚(出八大菩薩曼荼羅經末)

圓寂宮城門	能摧戶扇者
諸佛法受用	救世我頂禮
自手流清水	能除餓鬼渴
三界如意樹	頂禮蓮花手
大慈水為心	能息瞋恚火
頂禮慈氏尊	能斷欲弓弦
虛空藏妙慧	虛空寂靜尊
生死流解脫	頂禮佛心子
無邊有情感	能息無益心
普賢我頂禮	善逝上首子
塵勞盡僮僕	超勝魔羅軍
頂禮金剛手	能說一切明
頂禮妙吉祥	持妙童子形
舒遍智慧燈	攘奪三界明
一切除蓋障	是故我頂禮
無盡智慧尊	能生無竭辯
如地諸有情	所依一不斷
堅慧悲愍藏	地藏我頂禮
此真善逝子	讚揚所獲福
以此諸有情	如彼成讚器

普賢菩薩行願讚

速疾滿普賢行願陀羅尼曰。

囊麼悉底哩也(四合)地尾(二合)迦(引)南(二)怛佗(引)孽哆南(二)唵(引三)阿(引)戍嚩囉尾
擬儻娑嚩(二合引)訶(引四)

每日誦普賢菩薩行願讚後。即誦此真言纔誦一遍。普賢行願悉皆圓滿。三摩地人
速得三昧現前。福德智慧二種莊嚴。獲堅固法速疾成就。